





LETTRE D'VN  
GENTIL-HOMME DE  
BEAUSSE, A VNSIEN AMY  
Bourgeois de Paris, sur la deffai-  
cte des troupes de mōsieur d'Au-  
malle du leudy 18. May, 1589.



Faiçt suyuant la copie Imprimée à  
Tours, Chez Iamet Mettayer  
Imprimeur ordinaire  
du Roy.

M. D. LXXXIX

LETTER DVM

DE HOMME DE

C252

F

39

.326

THE NEWSPAPER  
LIBRARY

1529 ky

Lesquelles copies imprimées

ont été envoyées à

l'impression ordinaire

du Roy.

AN. D. M. D. C. C. C.



LETTRE D'UN GENTIL

*homme de Beaussé, à un sien amy*

*Bourgeois de Paris.*

**E** me suis estonné mille fois  
des nouvelles que l'on m'a  
rapporté pour vrayes de  
l'establissémēt de vos affaires à Pa-  
ris, & que si souuent m'auez mandé  
pour veritables plusieurs nouvelles  
inuentees par quelques artificieux  
qui vous trôpent & abusent de vous  
& de vos moyens, pour bastir d'au-  
tres desseings que ceux qu'ils vous  
communiquent, qui est cause, Mon-  
sieur & bon amy, que je vous ay fe-  
crit celle-ci, afin que ne soyez igno-  
rāt de ce qui s'est passé le jour d'hier  
sçachant bien que le rapport vous



en sera fait bien loing de la verité,  
pour n'oster le courage à vos Ci-  
toyens, & afin de les repaistre touf-  
jours d'esperance des hautes entre-  
prinſes qu'atendez de ceſte ſaincte  
& inuincible Armee que tient ſi  
long temps en ces pays Monsieur le  
Duc du Mayne ſans rien faire a-  
uec beaucoup de grandes promeſ-  
ſes, dont la moindre eſt de mener  
pour le moins ſa Majeſté à tel point  
que deſirent les plus mutins de vo-  
ſtre Ville, & pour eſſay il a verita-  
blement en l'abſence des plus gran-  
des forces du Roy, approché aſſez  
pres, vray eſt qu'il ſ'eſt retiré avec  
vn tref-bon Conſeil, & apres auoir  
fait quelque choſe qu'il euſt peu ou  
deu obſtiner plus long temps puis  
qu'il en auoit tant entrepris, il a

cedé à la presence du Roy, & à la  
venuë du Roy de Nauarre, se retirât  
aussi tost qu'il l'a senty approcher:  
mais ce n'est pas le seul sujet des  
miennes, qui est pour vous dire, que  
dépuis, nous auons sceu le mal-con-  
tentement des estrâgers & Vallôs  
de son Armée, qui s'enveulēt retour-  
ner à toutes forces, & q̃ pour les re-  
tenir ledit Sieur est fort empesché,  
& croy q̃ ce qui est cause qu'ils ne  
se sont encores retirez estoit l'esper-  
rance qu'il leur dōnoit de receuoir  
nouuelles forces & rafraischissement  
des troupes de Picardie, qu'il at-  
tendoit de la part du Sieur d'Au-  
malle. Je vous aduise que cest espoir  
est estouffé pour eux: car leudy der-  
nier sur les trois heures apres midy  
comme j'ay sceu par vn mien amy,

Le Sieur de Chastillon ayant passé à Boisgency & estant enuoyé à la guerre par le Roy de Nauarre avec deux cens Cheuaux & pareil nombre d'harquebusiers, sçachant que quelques troupes du Duc d'Anjou cheminoyent pour charger le Sieur de Lorges, qui auoit batu l'estrade le jour auparauant s'auança vers Bonneuil, & vingt Gentils-hômes des siens pour coureurs, qui estoient menez par le Sieur de Fouquerolles, qui font rencontre de l'Arcleu-ville gouverneur pour le Duc de Mayenne à Chartres, qui auoit cinquante Cheuaux, Ils s'auancent à luy pour l'engager au combat, luy les vient recognoistre, & ceux-cy y vont en sorte qu'ils tuèrent cinq ou six des siens à la teste.



Il se retiré & donne l'Alarme à leur troupe qui estoit à vn quart de lieue de là. Elle venoit en ordre conduite par le Sieur de Saueuze, ou estoient les Sieurs des Broffes qui auoyēt vne belle troupe, & de six à sept vingts Gentils-hommes toute l'élite de la Noblesse de Picardie de leur party, en nombre de trois cens cheuaux, avec vingt-cinq ou trente Arquebusiers, le Sieur de Forceuille & plusieurs autres Gentils-hommes signalez, & desja le Sieur de Chastillon changeoit le pas au trot pour les receuoir. Charbonniere & Harambure avec leurs compagnies de Cheuaux legers estoient sur sa gauche de l'autre costé. Saueuze jette deuant ses Arquebusiers ordonne sa troupe de Lanciers en

hayes, & vient sans se desbander  
 vn grand quart de lieuë, au pas. Les  
 Trompettes sonnent la charge des  
 deux costez : le Sieur de Chastillon  
 fait vne petite alte pour attendre  
 son Arquebuserie, l'ayant mise en  
 son lieu, & fait deux Osts de ce qu'il  
 auoit de Caualerie, prēd la charge.  
 Saueuze vint fort brauement, prēd  
 le gallop de trente pas, ses Arque-  
 busiers font leur saluë tout à Cheual  
 d'assez pres. L'infanterie du sieur de  
 Chastillō les reçoit, qui apres auoir  
 tiré leurs premieres Arquebusades,  
 se mella cepandāt la charge dedās  
 toute cette Cauallerie, tuent force  
 Cheuaux de coups d'espées dedans  
 les flancs, ou se perdit vn exempt  
 des gardes du Roy de Nauarre, &  
 deux soldats de la garnison de Boi-  
 gency

gency feulemēt. Saueuze qui d'abord auoit la tefte tournée contre les Cheuaux legers, prēd fur la droite, & chargea de telle furie le fieur de Chaſtillō, que les premiers rāgs furent rompus, luy choqué & porté par terre, & huit ou dix Gentilshommes des fiens courent ceſte meſme fortune, entre leſquels eſtoient Mouy, Roſny, S. Serē, Freſillon & Chamballam, deux ou trois deſquels ſeulement furent bleſſez de Lāce, & vingts ou trēte de leurs Cheuaux tuez. Les Broſſes chargea le fieur de Chaſtillon en flanc tout d'vn temps, en ſorte que le reſte de ſa troupe fut fort esbranlee. Le fieur de Chaſtillō & autres qui eſtoient renuerſez ſe releuerent, dōnent coups d'eſpees à pied, & luy ſe meſ-

la tellement qu'il y fut blessé au visage d'un coup de tronçon de Lāce. Tandis Harambure qui menoit la compagnie de Cheuaux legers du Roy de Nauarre, aupres duquel s'estoit rangé Fouquerolles, chargea Saueuze & les siens, de telle furie, qu'il les perça & rompit, en sorte qu'ils tournerent en route, n'ayāt moyen de se rallier. Ils sont pourfuyuis & demeurent sur la place & au lieu du choc des Picards plus de six vingts Gentils-hommes, le reste fut poursuyui vne grand lieuë & demie, & par les chemins ont esté tuez plus de soixante des fuyards & tous leurs harquebusiers, deux Cornettes gaignées, ceux qui les portoyent tuez, quarante Gentils-hommes pris, entre autres Saueuse &



Forse-ville, qui assassina la Pierre  
il y a deux ans. Plusieurs des pris  
sont blessez, sans que de l'autre co-  
sté le sieur de Chastillon ait perdu  
vn seul Gentil-homme, ne soldat,  
fors les trois des siens que j'ay dit,  
n'y a de blessez que Chamballan &  
deux ou trois autres de coups de  
Lance & d'espee : mais ce ne sont  
coups mortels. Le Champ de Ba-  
taille est demeuré au Sieur de Cha-  
stillon. C'est vn cōmencement qui  
doit faire penser à leurs conscien-  
ces ceux qui se sont esleuez contre  
le Roy. Je vous en ay bien voulu  
aduertir, afin que sachiez la veri-  
té, laquelle vous est cachée par  
les imposteurs qui vous repaissent  
de faux bruits. J'ay appris ce que je  
vous mande par vn Gentil-homme



porteur d'une lettre dont je vous  
 enuoye la coppie. Il auoit sceu les  
 particularitez par ceux qui se sont  
 trouuez à la deffaitte. Prenez garde  
 à vous & aduertissez les gens de bié,  
 afin qu'ils prennent courage. Je ne  
 vous feray plus longue lettre jus-  
 qu'à ce qu'il soit suruenu quelque  
 autre bonne nouuelle. Cependant  
 je me recommande à vos bonnes  
 graces, & prie Dieu vous conseruer.  
 De Chasteaudun ce dixneuuième  
 de May, mil cinq cēs quatre-vingts  
 neuf.

*Vostre entierement bon*

*amy, la Place.*

## C O P E D' V N E L E T -

T R E E S C R I T E P A R V N

Seigneur à vn sien parent, sur  
la deffaicte des troupes du Sieur  
d'Aumalle, pres Bonneual le  
Ieudy dixhuiictiesme May, Mil  
cinq cens quatre vingts-neuf.

**M** O N c o n s i n , Vous entendrez  
par N. l'heureuse execution  
que Monsieur de Chastillon fit  
hyer à quatre heures pres Bonneual,  
sur les troupes de Monsieur d'Aumal-  
le : conduites par le Sieur de Sauense.  
Il l'a pris & vn autre des Chefs, les au-  
tres morts, & deux cens des leurs, &  
la reste prisonniers, les drapeaux gai-  
gnez. Bref c'est vne aussi heureuse victoi-  
re qui se soit gaignee de toutes ces guer-  
res. Tous les ennemis du Roy qui estoient

14

venus de Picardie y sont demeurez. Ceste  
nouuelle sera agreable à sa Majesté, &  
profitera à sa negotiation avec ceux de  
Poictiers. Ledit N. vous dira tout fort  
particulierement. Sur lequel m'en re-  
mettant, ie ne vous diray autre chose,  
sinon que ie prieray Dieu mon Cousin,  
vous tenir en sa garde.

A Saint Dié ce dix-neufiesme  
May.

Vostre meilleur & plus affe-  
ctionné amy M. N.



# LETTER

TO THE  
HONORABLE  
THE SENATE  
OF THE MASSACHUSETTS

IN RESPONSE  
TO A RESOLUTION  
PASSED AT THE  
ANNUAL MEETING

OF THE SENATE  
ON THE 12TH  
OF FEBRUARY  
LAST

RELATIVE  
TO THE  
PROPOSED  
AMENDMENT

TO THE  
ARTICLE  
OF THE  
CONSTITUTION

RELATIVE  
TO THE  
RIGHT  
OF SUFFRAGE

AND  
TO THE  
ARTICLE  
OF THE  
CONSTITUTION





